

爱情个性短句子诗句李白

1.
涉江玩秋水，爱此红蕖鲜。攀荷弄其珠，荡漾不成圆。佳人彩云里，欲赠隔远天。相思无因见，怅望凉风前。——李白《折荷有赠》
2.
阳台隔楚水，春草生黄河。相思无日夜，浩荡若流波。流波向海去，欲见终无因。遥将一点泪，远寄如花人。——李白《寄远·其六》
3.
王命三征去未还，明朝离别出吴关。白玉高楼看不见，相思须上望夫山。——李白《别内赴征·其一》
4.
黄云城边乌欲栖，归飞哑哑枝上啼。机中织锦秦川女，碧纱如烟隔窗语。停梭怅然忆远人，独宿孤房泪如雨。——李白《乌夜啼》
5.
吾爱孟夫子，风流天下闻。红颜弃轩冕，白首卧松云。醉月频中圣，迷花不事君。高山安可仰，徒此揖清芬。——李白《赠孟浩然》
6.
妾在春陵东，君居汉江岛。一日望花光，往来成白道。一为云雨别，此地生秋草。秋草秋蛾飞，相思愁落晖。何由一相见，灭烛解罗衣。——李白《寄远·其七》
7.
垂杨拂绿水，摇艳东风年。花明玉关雪，叶暖金窗烟。美人结长想，对此心凄然。攀条折春色，远寄龙庭前。——李白《折杨柳》

8.
长安一片月，万户捣衣声。秋风吹不尽，总是玉关情。何日平胡虏，良人罢远征。——李白《子夜吴歌·秋歌》

9.
美人卷珠帘，深坐颦蛾眉。但见泪痕湿，不知心恨谁。——李白《怨情》

10.
燕草如碧丝，秦桑低绿枝。当君怀归日，是妾断肠时。春风不相识，何事入罗帏。——李白《春思》

11.
秋浦旧萧索，公庭人吏稀。因君树桃李，此地忽芳菲。摇笔望白云，开帘当翠微。时来引山月，纵酒酣清晖。而我爱夫子，淹留未忍归。——李白《赠秋浦柳少府》

12.
天子居未央，妾侍卷衣裳。顾无紫宫宠，敢拂黄金床。水至亦不去，熊来尚可当。微身奉日月，飘若萤之光。愿君采葑菲，无以下体妨。——李白《秦女卷衣》

13.
君歌杨叛儿，妾劝新丰酒。何许最关人，乌啼白门柳。乌啼隐杨花，君醉留妾家。博山炉中沉香火，双烟一气凌紫霞。——李白《杨叛儿》

14.
罗袜凌波生网尘，那能得计访情亲？千杯绿酒何辞醉？一面红妆恼杀人。——李白《赠段七娘》

15.
翡翠为楼金作梯，谁人独宿倚门啼？夜坐寒灯连晓月，行行泪尽楚关西。——李白《别内赴征·其三》

16.

出门妻子强牵衣，问我西行几日归？归时倘佩黄金印，莫学苏秦不下机。
。——李白《别内赴征·其二》

17.

长安一片月，万户捣衣声。秋风吹不尽，总是玉关情。何日平胡虏，良
人罢远征。——李白《子夜吴歌》

18.

云想衣裳花想容，春风拂槛露华浓。若非群玉山头见，会向瑶台月下逢
。——李白《清平调·其一》

19.

玉阶生白露，夜久侵罗袜。却下水晶帘，玲珑望秋月。——李白《玉阶
怨》

20.

美人在时花满堂，美人去后馀空床。床中绣被卷不寝，至今三载闻馀香
。香亦竟不灭，人亦竟不来。相思黄叶尽，白露湿青苔。——李白《寄
远·其十一》

本文链接：<https://duanjuziku.com/duanjuzi/csumgkj83s.html>